

յոյր սակս գրեաց զիր հաճութեան եւ առ երեւելիս ազգին, յոր ձեռն արկեալ կնքեցին բոլոր միաբանք և առաքեաց 'ի Կոստանդինուպօլիս: Ի հասանիլ Պատրիարքական Պերաթին, ետ արձանագրել զայն 'ի զատարանի, և շահեցաւ զմիտս այլազգեաց ընծայիւք: այլ ոչ նստաւ յԱթոռն առ Ժամայն, եւ զկնի ամսոց, յերեկոյն շաբաթու 'ի նախատօնակի Պայծառակերպութեան Քրիստոսի Աստուծոյ մերոյ, նստաւ հանդիսիւ յԱթոռն Երուսաղէմի (1802 'ի 19 Յուլիսի) յետ մնալոյ Թափուր Աթոռոյն զամս իբրեւ 2:

Ի սմին Ժամանակի Մէհէմմէտ Բղեշխն Երուսաղէմի, որ նստէր 'ի Յոպպէ, գրեաց յԵրուսաղէմ՝ առ Սղահէ կոչեցեալ այլազգիս, եւ խնդրեաց 'ի նոցանէ հասուցանել նմա 60 քսակս արծաթոյ: Եւ նոցա ընթերցեալ զգիրն, իսկ և իսկ ապստամբեալ գիմեցին 'ի զէն և ազմկաւ լցին զքաղաքն: փակեցին զգրուեալ նորին և եգին պահապանս, և միաբանեալ ամենեցուն գրեցին զիր ամբաստանութեան բազմակնիք զնմանէ՝ առ Արքայ եւ առ Ճէզար Փաշա, որ նստէր յԱքքէ: զլիաւոր կէտք ամբաստանութեանն էին այսոքիկ: Մէհէմմէտ Բղեշխն ասէին, միայն 'ի հրէից էառ 700 քսակս արծաթոյ, իսկ 'ի քրիստոնէից ոչ գոյ թիւ: պարտ է բառնալ զայրն 'ի քաղաքէ աստի և առաքել զայլ ոք 'ի տեղի նորա: և խնդրեցին 'ի Ճէզար Փաշայէ առաքել զմի ոմն 'ի սպասաւորաց իւրոց յանձնել նմա զքաղաքն, զի զնա ճանաչէին պետ և գլուխ ինքեանց: Իսկ Ճէզար Փաշա զկնի տուրց ինչ առաքեաց զԻսմայիլ Փաշա 3 թուղով բազմութեամբ զօրաց և Արաբացոց 'ի Ռեմէ, մարտնչիլ ընդ Մէհէմմէտ Փաշայի որ 'ի Յոպպէ: Եւ ըզՍիւլէման Փաշա 2 թուղով յԵրուսաղէմ, նոյնպէս զօրօք, որ և մեծաւ փառօք եմուտ 'ի քաղաքն ('ի 10 Մայիսի): Եւ յետ երկուց աւուրց զնացին առ նա յայցելութիւն Փոխանորդք երից ազգաց, և զկնի բանից՝ մատոյց իւրաքանչիւրոց մէն մի Պույրուլթի՝ գրեալ յանուն երից վանաց՝ չերկնչիլ յումեքէ: Եւ Սիւլէյման բանիւ բերանոյ յայտ արար թէ հրաման Ճէզար Փաշային է, 'ի զալտենէ Մէհէմմէտ Փաշայի յԵրուսաղէմ՝ մինչեւ ցայժմ՝ զոր ինչ տուեալ էք նմա՝ գրեալ 'ի տումարի բերէք առ իս յգել